

Wol ausgericht vnd gefertigt/
Mit hönischen wortn gestumpffirt
Die so weitte schus hatten gthan /
die haben sie auff dem schiesplan /
Vor Fürsten/ Herrn vnd Edellen /
Also abgefertigt zu der zeit /
Das mancher lieber wer gewesen /
In einm holz/ vnd het gebundn besn /
Als beim Priktschmeister vnd sein geselln /
denn das er sich so hett lassn queln /
Noch must er solches nemen an /
Wie offft thet mancher scham roth stat /
Schmactt jm übel solches Recept /
das mancher lieber entrathn het /
Noch kundte es nicht anders sein /
Vnd solch purgazen nemen ein /
Auch hören die hönische wort /
Wie jr zuvor dann habt gehört /
Wiewol es manchen sehr vordros /
Noch dennoch must er leiden das /
Also habt jr recht vernommen /
Wie in die weitten schus seindt befohlen /
Die manchem leiden weh haben gthan /
Zu hören solchen spot vnd hon /

Die